

88 წელი თქვენთან ერთად!

88 წლის წინ, 1933 წლის 2 აპრილს გამოვიდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედის, გაზეთ „ჩხარის კოლმეურნის“ პირველი ნომერი.



„არს მთის კალთას, სკანდას, სასახლე მეყუთა და ციხე დიდი, დიდშენი“
ვახუშტი ბაბრატიონი

თერჯოლა

სახოგადოებრივი გაზეთი • გამოდის 1933 წლიდან • №11-12 {7041} 4 ივნისი 2021 წელი • www.Terjola.gov.ge



საქართველოს ყველა მოქალაქის დღე!

26 მაისი—ჩვენი სამშობლოს, საქართველოს, მისი ყველა მოქალაქის უპირველესი საერთო-სახალხო დღესასწაულია. დღე, რომელიც გვეკუთვნის ჩვენ, განურჩევლად ეთნიკური წარმომავლობის, რელიგიური მრწამსისა თუ პარტიულობისა...

საქართველოს დამოუკიდებლობა 1918 წლის 26 მაისს გამოცხადდა. მაშინ, სუვერენულმა ჩვენმა ქვეყანამ, მხოლოდ 3 წელი გაძლო და ორჯერ—1919 და 1920 წლებში საზეიმოდ აღნიშვნა ეს მნიშვნელოვანი დღე. შემდეგ კი, 1921 წლის თებერვალში, საბჭოთა რუსეთის მიერ საქართველოს ოკუპაციიდან შვიდი ათეული წლის განმავლობაში, კომუნისტურ რეჟიმსა და მის პროპაგანდისტულ მანქანას, ჩვენი ქვეყნის დამოუკიდებლობის გამოცხადების ეს დღე—26 მაისი ამოშლილი ჰქონდათ არამარტო კალენდრებიდან და ისტორიების სახელმძღვანელოებიდან, არამედ იყო სისტემური მცდელობა, რომ იგი მთლიანად ამოეძიკვათ თაობების რეალური მეხსიერებიდან. თუმცა ამაოდ... ეროვნული თავისუფლების დაუოკებელი სურვილის ჩაკვლა იმპერიულმა რეჟიმმა ვერა და ვერ შეძლო...



მე-20 საუკუნის 80-იან წლებში, მაშინდელ საბჭოთა კავშირში მიმდინარე პროცესებმა ნოყიერი ნიადაგი შექმნა წლების განმავლობაში ფაქტიურად იატაკქვეშეთში გადასული ეროვნულ-გამანთავისუფლებელი მოძრაობის გასაძლიერებლად, რომლის სახალხო ხასიათი, მასობრიობა და ერთსულოვნება კარგად გამოჩნდა ჯერ კიდევ 1989 წლის აპრილის მძლავრ საპროტესტო აქციებზე, შემდეგ კი 1991 წლის 9 აპრილს ჩატარებულ საყოველთაო რეფერენდუმზე, როცა ჩვენი მოსახლეობის აბსოლუტურმა უმრავლესობამ ხმა მის-

ცა საქართველოს დამოუკიდებლობის აღდგენას 1918 წლის 26 მაისის აქტის საფუძველზე. ასე, რომ წლებადღე 26 მაისს ამ რეფერენდუმიდან 30 წლისთავიც შესრულდა...

უკვე მეორე წელია, ჩვენი ქვეყანა, 26 მაისს შედარებით მოკრძალებულად აღნიშნეს იმ მიმდინარეობის გამო, რომელიც გლობალურმა კოვიდინფექციურმა პანდემიამ შექმნა მთელს პლანეტაზე, რასაც მოჰყვა უმძიმესი სოციალურ-ეკონომიკური რეალობის შექმნა—გაუფასურებელი ეროვნული ვალუტა, ეკონომიკის



გზა მშვიდობისა!



მეთორმეტეკლასელთათვის დასრულდა 2020-2021 სასწავლო წელი. თერჯოლელი 247 კურსდამთავრებული მომავლის იმედით დაემშვიდობა მშობლიურ სკოლას, აღმზრდელებს, თანატოლებს...

მართალია, კოვოდრეგულაციების გამო ბევრ ტრადიციულ ღონისძიებას ეთქვა უარი, მაგრამ სამახსოვროდ ერთად გადაღებული სურათები, თეთრი წარწერებიანი მაისურები და წინსაფრები, ერთად გატარებული რამდენიმე საათი და პედაგოგების დალოცვა ამჯერადაც დარჩება...

ახლა მათი მთავარი გამოწვევა ეროვნული გამოცდებია... წარმატებები და მშვიდობიანი გზა-სავალი გვისურვებია...

1 ივნისი — ბავშვთა დაცვის დღე

ვულოცავთ ჩვენს პატარებს, ჯანმრთელობას და კეთილდღეობას ვუსურვებთ სრულიად საქართველოს მომავალ თაობას...

მრავალჟამიერი მათ სილამაზეს, სიცოცხლეს და სიკაცკაცეს. ბედნიერი ბავშვობა და წარმატებული მომავალი თითოეულს... სიყვარულით და მზრუნველობით აღზრდილიყვნენ ქვეყნის მომავლის მესაძირკვლედ და იმედად!

ამბები თერჯოლის მუნიციპალიტეტიდან

☎ 2, 3 10

სამშობლო— ჩვენი ბედისწერა

☎ 6

იაკობ გოგებაშვილს ძეგლს დაუდგამენ

☎ 8

ივნისი

საეკლესიო კალენდარი

10 ივნისი - ამაღლება
20 ივნისი - სულთმოფენობა

საქართველოს ყველა მოქალაქის დღე!

დაცემა, უმუშევრობის მნიშვნელოვანი ზრდა, პოლიტიკური რადიკალიზმი და მოქალაქეთა მთელ რიგ პრობლემებზე პროტესტების ტალღა ქვეყნის სხვადასხვა გეოგრაფიულ წერტილში...

მიუხედავად ყველაფრისა, წლევეანდელი 26 მაისის ღონისძიებებმა, ჩვენი პარტნიორი და მეგობარი ქვეყნების გულწრფელმა მოლოცვებმა და სურვილებმა, ჯარისკაცების საზეიმო ფიცმა დამოუკიდებელი საქართველოს მხედარმთავრის, გენერალ გიორგი კვინიტაძის ნეშტის ჩამოსვენებამ საქართველოში და მისმა დაკრძალვამ მთაწმინდის პანთეონში, გააღვივა იმ რწმენის ნაპერწკალი, რომ ჩვენს ქვეყანას დალუპვა და ერს გადაშენება არ უნერია...


სადღესასწაულო ღონისძიებები სხვადასხვა ფორმით, მაგრამ მეტად მოკრძალებულად საქართველოს ყველა რეგიონში ჩატარდა, მთავარი ეპიცენტრი კი დედაქალაქი იყო...

თავისუფლების მოედანი

თავისუფლების მოედანზე შეკრებილ საზოგადოებას—უცხოელ სტუმრებს პოლონეთის პრეზიდენტს, დიპლომატიური კორპუსის და საპატრიარქოს წარმომადგენლებს, საჯარისო ნაწილებს, მთავრობისა და პარლამენტის წევრებს სიტყვით მიმართეს საქართველოს პრეზიდენტმა სალომე ზურაბიშვილმა, საქართველოს პრემიერ-მინისტრმა ირაკლი ლარიაშვილმა, პარლამენტის თავმჯდომარემ კახა კუჭავამ, პოლონეთის პრეზიდენტმა ანდრეი დუდამ.

შესრულდა საქართველოს პიძნი, წუთიერი დუმილით პატივი მიაგეს საქართველოს დამოუკიდებლობისათვის დაღუპულ გმირებს, სამშობლოსათვის ერთგულების ფიცი დადეს ახალწვეულმა რეკრუტებმა.

გენერალი გიორგი კვინიტაძე



გენერალ კვინიტაძის სახელი ოკუპაციისთან შეურიგებლობას და თავისუფლებისთვის ბრძოლას განასახიერებს და მისი საქართველოში გადმოსვენება უდიდესი მნიშვნელობის მოვლენაა ქვეყნისა და ხალხისათვის.

„არმია თავისი ხალხის თვისებების ანარეკლია, რადგან პირველი ამ ხალხისა, მისი სისხლი და ხორცი“ - ეს არის იმ ადამიანის სიტყვები, ვინც თავად იყო ამ დამოუკიდებელი საქართველოს არმიის ერთ-ერთი მთავარი შემოქმედი, თავისი ხალხის შინაგანი ძლიერების თვალსაჩინო მაგალითი, ქვეყნის ღირსეული შვილი.

გიორგი კვინიტაძე 1874 წლის 21 აგვისტოს დაიბადა. მან სამხედრო განათლება თბილისსა და პეტერბურგში მიიღო. საქართველოს პირველი რესპუბლიკის შექმნამდე, 1917 წლის მეორე ნახევრიდან, აქტიურად მონაწილეობდა ქართული შეიარაღებული ძალების ჩამოყალიბების პროცესში. დიდი წვლილი შეიტანა, 1919 წელს, ქართული სამხედრო სკოლის დაარსებაში და იყო მისი პირველი ხელმძღვანელი.

საბჭოთა რუსეთის მიერ საქართველოს ოკუპაციის შემდეგ, გენერალი კვინიტაძე, მთავრობისა და სარდლობის სხვა წარმომადგენლებთან ერთად, ემიგრაციაში წავიდა. ცხოვრობდა საფრანგეთში, სადაც 1970 წელს გარდაიცვალა.

მერაბ კოსტავა

26 მაისი ეროვნულ-გამანთავისუფლებელი მოძრაობის ერთ-ერთი მებრძოლის, მერაბ კოსტავას დაბადების დღეა. მას 82 წელი შეუსრულდებოდა.

„კმაზა წელზე ფეხის დაღმით
თავის შენაჩუქნებზე ფიქრი!
ღრია დიდ ენად ქვეყანაზე ოცნების
უამმა დაწყოს.. დაე, არსიერის
გაფრენას ედაწოს ოცნება იგი,
რათა ოცნება მიზნად იქცეს, მიზანი
კი - საქმედ!“

მერაბ კოსტავა



ამბები თერჯოლის მუნიციპალიტეტიდან

რუბრიკით: „ამბები თერჯოლის მუნიციპალიტეტიდან“, ტრადიციულად გთავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

ისინი ჩვენი მომავლისათვის იბრძოდნენ...

ფაშიზმზე გამარჯვების 76-ე წლისთავს, თერჯოლა, მეორე მსოფლიო ომგამოვლილი და შინ დაბრუნებული 1208 მებრძოლიდან მხოლოდ ორად-ორი ვეტერანი შეხვდა.

თერჯოლის მუნიციპალიტეტის მერი, ლაშა გოგიაშვილი და მაჟორიტარი დეპუტატი, ბეჟან ნაქაძე, ამ დღესთან დაკავშირებით მუნიციპალიტეტში მცხოვრებ ვეტერანებს დიმიტრი აბესაძეს (ქ. თერჯოლა) და ნიკოლოზ გვენეტაძეს (ზედა სიმონეთი) ოჯახებში ესტუმრნენ, ფაშიზმზე გამარჯვების დღე მიულოცეს, საჩუქრები გადასცეს და გმირობისათვის მაღლობა გადაუხადეს. ამასთან, ორივე ვეტერანს პირად ანგარიშზე 500-500 ლარი ჩაერიცხათ.

„საქართველოსაც არაერთი თავდადებული ცოცხალი თუ დაღუპული გმირი ჰყავს, რომლებმაც საკუთარ თავზე გამოსცადეს ომის სიმწარე და დაულაღავი ბრძოლით მოიპოვეს მშვიდობა. მინდა ყველას მივულოცო ფაშიზმზე გამარჯვების დღე, განსაკუთრებით მეორე მსოფლიო ომის მონაწილეებს, ჩვენს სახელოვან ვეტერანებს, თითოეულ მათგანს ჯანმრთელობასა და დიდხანს სიცოცხლეს ვუსურვებ. ეს მათი გამარჯვების, თავდადების და გმირობის დღეა. მუნიციპალიტეტის მერია, ტრადიციულად ფინანსურ დახმარებას გაუწევს ომის მონაწილეებს და მათ ოჯახებს“—განაცხადა ლაშა გოგიაშვილმა.

მეორე მსოფლიო ომში თერჯოლიდან 3 533 ადამიანი გაიწვიეს, აქედან 2 325 დაიღუპა, ან უგზო-უკვლოდ დაიკარგა.



ნათელი მათ სსოვნას, ჩვენს ვეტერანებს კი ჯანმრთელობა ვუსურვით!
კაცებო, გმადლობთ, რომ ხართ!
გთხოვთ ჭიქები აივსოთ,
—ერთხელაც ვთქვათ სიტყვა საცხრამა-ისოდ!
გავისხენით გმირი თანამებრძოლი. მათი სულებისა ვთქვათ, მათი დიდებისა...

ზურაბ რობაქიძე - 90

მედიცინის მეცნიერებათა დოქტორს, პროფესორს, აკადემიკოსს, თერჯოლის საპატიო მოქალაქეს ზურაბ რობაქიძეს 90 წელი შეუსრულდა.

„თერჯოლის“ მკითხველს, ჩვენი გაზეთის წინა ნომერში საგანგებოდ ვუამბებთ ამ ღირსეული პიროვნების შესახებ.

ზაზგასამელია, რომ თერჯოლის მუნიციპალიტეტის მერი, ლაშა გოგიაშვილი თერჯოლის საპატიო მოქალაქეს, ზურაბ რობაქიძეს საიუბილეო თარიღის მისალოცად სახლში ეწვია და სიმბოლური საჩუქარი გადასცა.

„პირველ რიგში, მინდა მაღლობა გადავუხადო ბატონ ზურაბს საზოგადოებისთვის განუვლი ღვაწლისთვის. იგი წლების განმავლობაში ერთგულად ემსახურებოდა ქვეყანას და დაულაღავად ზრუნავდა ადამიანთა ჯანმრთელობაზე. მას საყვარელი საქმე არასდროს მიუტოვებია და დღესაც ახალგაზრდული შემართებით აგრძელებს მოღვაწეობას. მისი ქვეყნისადმი სიყვარული, შრომისმოყვარეობა და ენერჯია ნამდვილად გასაოცარი და საამაყოა.



მთელი გულით მინდა მივულოცო 90 წლის ობოლ და მუნიციპალიტეტის სახელით ჯანმრთელობას და დიდხანს სიცოცხლეს ვუსურვებ“—განაცხადა ლაშა გოგიაშვილმა.

მერის სააღდგომო საჩუქრები...

თერჯოლის მუნიციპალიტეტის მერის, ლაშა გოგიაშვილის ინიციატივით, აღდგომის ბრწყინვალე დღესასწაულთან დაკავშირებით, 70 წელს გადაცილებულ მარტოხელა მოხუცებს სასურსათო კალათები გადაეცა.

რამდენიმე ოჯახში პირადად მუნიციპალიტეტის მერი, ლაშა გოგიაშვილი, იმყოფებოდა. მან, თითოეულ მათგანს, სააღდგომო ნობათი გადასცა, უდიდესი ქრისტიანული დღესასწაული—აღდგომა მიულოცა და ოჯახის წევრებს სააღდგომოდ კოვიდ რეკომენდაციების სრულად დაცვისკენ მოუწოდა.

„თერჯოლის მუნიციპალიტეტის მერია,

პერიოდულად, სხვადასხვა სახის სოციალურ აქტივობას ახორციელებს, რაც გულისხმობს შეჭირვებული ოჯახებისთვის არსებული მდგომარეობის გაუმჯობესებას. სააღდგომო ნობათი ყველა საჭირო პროდუქტს მოიცავს, ბენეფიციარებს სასურსათო პაკეტები ადმინისტრაციულ ერთეულებში მერის წარმომადგენლებმა პირადად გადასცეს, რათა ამ ოჯახებს შეძლებოდათ აღდგომის ბრწყინვალე დღესასწაულის ტრადიციულად აღნიშვნა“—განაცხადა ლაშა გოგიაშვილმა.

მერიის სოციალური პროგრამით, პირველადი მოხმარების საკვები პროდუქტები სააღდგომოდ 120 ოჯახმა მიიღო.


ამბები თერჯოლის მუნიციპალიტეტიდან

ახალი სახლები სოციალურად დაუცველი ოჯახებისათვის...

ერთი თვის წინ, „თერჯოლას-თან“ საუბარში მუნიციპალიტეტის მერმა ლაშა გოგიაშვილმა განაცხადა, რომ თერჯოლის მუნიციპალიტეტში სოციალურად შეჭირვებული 5 ახალი სახლი აშენდება, რისთვისაც ადგილობრივი ბიუჯეტში სახლდაზიანების პროგრამის ეფექტური მუშაობისთვის თანხა 175 000 ლარამდე გაიზარდა.

მუნიციპალიტეტის მერი, ლაშა გოგიაშვილი, მოადგილეებთან და ადგილობრივი თვითმმართველობის წარმომადგენლებთან ერთად, ქალაქ თერჯოლასა და სოფელ სიქთარვაში რამდენჯერმე გაეცნო სახლების მშენებლობასთან დაკავშირებით მიმდინარე ინფრასტრუქტურულ პროცესებს და მშენებლებს ვადებისა და ხარის-

ხის დაცვის შესახებ ესაუბრა. „თერჯოლის მუნიციპალიტეტში მოქმედი „სახლდაზიანების“ პროგრამის ფარგლებში სულ სამი სახლი აშენდა. მიმდინარე წელს კი ხუთი ახალი სახლის მშენებლობა დასრულდება, პროგრამა ითვალისწინებს სოციალურად დაუცველი მოსახლეობისათვის მცირე ფართობის ინდივიდუალური სახლების მშენებლობას, რომელთა საცხოვრებელი სახლები დაზიანების მასშტაბის გამო ექვემდებარება დემონტაჟს. ჩვენ ვიზრუნებთ სახლდაზიანების პროგრამა კიდევ უფრო მასშტაბური და ეფექტური გახადოთ, რათა თითოეული სოციალურად დაუცველი ოჯახის ცხოვრების პირობები გააუმჯობესოთ.“ — განაცხადა ლაშა გოგიაშვილმა.



მიმე საყოფაცხოვრებო პირობების მქონე პირთა საცხოვრებელი ფართით უზრუნველყოფის საკითხი შესაბამისმა კომისიამ შეისწავლა და გადაწყვეტილება დეტალური განხილვის შედეგად მიიღო. სამშენებლო სამუშაოებს ადგილობრივი ბიუჯეტის დაფინანსებით, ტენდერში გამარჯვებული კომპანია შპს „გზები 2“ ახორციელებს.

გვექნება ახალი საინფორმაციო პორტალი

თერჯოლის მუნიციპალიტეტის მერის, ლაშა გოგიაშვილის ინიციატივითა და ა(ა)იპ მოსწავლე-ახალგაზრდობის მუნიციპალური ცენტრის ჩართულობით თერჯოლის ახალი საინფორმაციო პორტალი შეიქმნება, რომელიც მიზნად ისახავს სხვადასხვა სახის ინფორმაციის, საინტერესო სტატიებისა და სიახლეების მომხმარებლისათვის მაქსიმალურად ეფექტურად მიწოდებას.



ამ დღეებში მუნიციპალიტეტის მერი, ლაშა გოგიაშვილი აღნიშნულ საკითხთან დაკავშირებით, ა(ა)იპ მოსწავლე-ახალგაზრდობის მუნიციპალური ცენტრის ხელმძღვანელს, რუსუდან კოვზირიძეს, ევროკავშირის პროექტის ფარგლებში პროექტის ასისტენტს, ნინო ჭაბუკიანსა და კომპანიის წარმომადგენელს ავთანდილ ქარქაძეს შეხვდა, სადაც განი-

ხილეს ვებ გვერდის დიზაინი და ინფორმაციის განთავსების საკითხები, აქვე ხელი მოეწერა ვებ გვერდის დამზადების შესახებ ხელშეკრულებას. მუნიციპალიტეტის მერის თქმით, „საინფორმაციო ვებ გვერდის შექმნა მოქალაქეებისათვის სხვადასხვა სახის ინფორმაციების ხელმისაწვდომობას, რეგულარულად განახლებადი და თემატური ინფორმაციის მიწოდებას ემსახურება.“

თერჯოლის მუნიციპალიტეტის საკრებულოში

თერჯოლის მუნიციპალიტეტის საკრებულოში საკრებულოს მორიგი სხდომა გაიმართა, რომელსაც საკრებულოს თავმჯდომარის მოვალეობის შემსრულებელი ამირან ვერულაშვილი ხელმძღვანელობდა.

დეპუტატებმა დღის წესრიგით წარმოდგენილი 10 საკითხის შესახებ იმსჯელეს და მხარი დაუჭირეს „თერჯოლის მუნიციპალიტეტის მერიის თანამდებობის პირთა და საჯარო მოსამსახურეთა თანამდებობების რანგირების, თანამდებობრივი სარგოების ოდენობების განსაზღვრისა და საშტატო ნუსხის დამტკიცების შესახებ“ მუნიციპალიტეტის საკრებულოს 2018 წლის 26 იანვრის N14 დადგენილებაში შესატან ცვლილებებს.

მხარი არ დაუჭირა დღის წესრიგით წარმოდგენილი — „თერჯოლის მუნიციპალიტეტის 2021 წლის ადგილობრივი ბიუჯეტის დამტკიცების შესახებ“ თერჯოლის მუნიციპალიტეტის საკრებულოს 2020 წლის 2 დეკემბრის N22 დადგენილებაში ცვლილების შესახებ საკითხს.

სხდომაზე მხარი დაუჭირეს მუნიციპალიტეტის საკუთრებაში არსებული უძრავი ქონების საპრივატიზებო ობიექტების ნუსხისა და პრივატიზაციის გეგმის დამტკიცების შესახებ საკითხებს და ქრავინობის შესახებ საკითხებს.

ამასთან, ცვლილებები შევიდა მუნიციპალიტეტში რეგისტრირებული მიმე სოციალურ პირობებში მყოფი ოჯახების ერთჯერადი ფინანსური დახმარების 2021 წლის პროგრამაში, „უსახლკაროდ დარჩენილი ოჯახების დროებითი საცხოვრებელი ბინის, ქირით უზრუნველყოფის“ პროგრამაში, „მარტოხელა მშობლის სოციალური დახმარების პროგრამაში“ და „მუნიციპალიტეტში რეგისტრირებული მოქალაქეების სამედიცინო მომსახურების თანადაფინანსების ერთჯერად პროგრამაში“.

ასევე მხარდაჭერილია საკითხი თერჯოლის მუნიციპალიტეტის საკრებულოს საფინანსო-საბიუჯეტო კომისიის პერსონალური შემადგენლობის დამტკიცების შესახებ N46-92 განკარგულებაში ცვლილების შეტანის შესახებ.

სხდომას მუნიციპალიტეტის მერის მოადგილეები შესაბამისი სამსახურების წარმომადგენლებთან ერთად ესწრებოდნენ.

თემურ ჯაფარიძის გარდაცვალების გამო



თერჯოლის მუნიციპალიტეტის მერია ღრმა მწუხარებას გამოხატავს, მუნიციპალიტეტის ყოფილი გამგებლის, თემურ ჯაფარიძის გარდაცვალების გამო.

თემურ ჯაფარიძე 2014-2017 წლებში მუნიციპალიტეტის გამგებელი იყო, რომელიც გამოირჩეოდა კოლექტივობით, მეგობრობით, გუნდური მუშაობით, ეფექტური კომუნიკაციის უნარით, საქმისადმი სიყვარულითა და პროფესიონალიზმით. დიდა მისი წვლილი რაიონის განვითარების საქმეში. თერჯოლის მუნიციპალიტეტის მერია უსამძიმრებს გარდაცვლილის ოჯახს, ახლობლებსა და მეგობრებს.

მორიგი სამუშაო შეხვედრა

სააღდგომო დღესასწაულის შემდეგ თერჯოლის მუნიციპალიტეტის მერმა, ლაშა გოგიაშვილმა, მოადგილეებთან ერთად, სამსახურის უფროსებთან, ა(ა)იპ-ის ხელმძღვანელებთან და მუნიციპალიტეტის ადმინისტრაციულ ერთეულებში მერის წარმომადგენლებთან მორიგი სამუშაო თათბირი გამართა.

ხელმძღვანელმა პირებმა, მერის წარმომადგენლებსა და სოფლებში არსებული მდგომარეობა დეტალურად განიხილეს და მათთან ერთად პრობლემური საკითხების გადაჭრის გზებზე და სამომავლო გეგმებზე იმსჯელეს. თათბირზე, მერმა, სოფლის მხარდაჭერის პროგრამის ფარგლებში შესასრულებელი სამუშაოების, პროექტების სახით მომზადების პროცესზე ისაუბრა და მისივე წარმომადგენლებს მერიის სამსახურებთან აქტიური თანამშრომლობა და კოორდინაცია მოსთხოვა, რომ თითოეული პროექტისთვის გამოყოფილი თანხის ათვისება და შესრულება დროულად მოხდეს.

შეხვედრაზე განიხილეს თერჯოლაში არსებული ეპიდემიოლოგიური მდგომარეობა. აღნიშნულზე ინფორმაცია ა(ა)იპ თერჯოლის საზოგადოებრივი ჯანდაცვის მუნიციპალური ცენტრის ხელმძღვანელმა, თამარ არჯვეანიძემ წარმოადგინა. საკითხის განხილვისას მუნიციპალიტეტის მერმა კვლავ განაკუთრებულად გაამახვილა ყურადღება კოვიდრეგულაციების დაცვისა და მათი კონტროლის მექანიზმზე. მანვე მოსახლეობას მაქსიმალური სიფრთხილისკენ და რეკომენდაციების სრულად დაცვისკენ მოუწოდა.

სოციალური სამსახურის უფროსმა, დიანა ფოცხვერაშვილმა, ისაუბრა სოციალური პროგრამების წარმატებით განხორციელებაზე, დეტალურად განიხილა ერთჯერადი ფინანსური დახმარებების გაცემის წესი. მუნიციპალიტეტის მერმა, წარმომადგენლებს ყველა დოკუმენტის ყურადღებით შესწავლა დაავალა, რათა სწორად გადაწერილიყო დახმარების გაცემა და მეტმა ადამიანმა შეძლოს სოციალური პროგრამების სარგებლობა.

მუნიციპალიტეტის მერის დაავალბით, ზედამხედველობის სამსახურის მიერ აქტიურად შემოწმდება თერჯოლაში არსებული სამენარმო ობიექტები და მერიის უფლებამოსილების ფარგლებში მიეცემათ გაფრთხილებები, რათა სრულად დაიცვან რეკომენდაციები.

მუნიციპალიტეტის მერის, ლაშა გოგიაშვილის თქმით, სამუშაო შეხვედრები მომავალშიც აქტიურად გაგრძელდება, რათა მოსახლეობის მხრიდან დასმული ყველა საკითხის განხილვა დროულად მოხდეს და გატარდეს შესაბამისი ღონისძიებები.

ჩხარიენრელების გზა...

სოფელ სიქთარვისა და ჩხარიენრის გზის რეაბილიტაციის სამუშაოებს, რაც აქტიურად მიმდინარეობს, დიდი ინტერესითა და მოლოდინით ადევნებენ თვალს ამ სოფელში მცხოვრები ადამიანები.

სამუშაოებიდან, რომელსაც შპს „ბორანი“ ასრულებს (ხელმძღვანელი: ბექა არაბიძე), ერთნახევარკილომეტრიანი გზა ჩვენი სტუმრობისას დამთავრების ფაზაში იყო. სავარაუდოდ, ვიდრე ჩვენი ეს გაზეთი გამოვიდოდეს მოსაფლავების პირველი რიგის სამუშაოები სრულად დამთავრდება და ამით 3,5 კილომეტრიანი გზის პირველი ეტაპის სამუშაოები დასრულდება. დარჩენილი 2 კილომეტრიან მონაკვეთზე სამუშაოები მომავალში გაგრძელდება. პროექტის მთლიანი ღირებულება მილიონსამასიათასი ლარია.



სამუშაოთა მწარმოებელი ფირმა სილაგაძე სიამოვნებით საუბრობს აქ მომუშავე ადამიანებზე: მალხაზ, ავთო, ნოდარ ტაბატაძეებზე, მანუჩარ ბუბაშვილზე, ნიკა, მარლენ სილაგაძეებზე, სპარტაკ მორალიშვილზე, დავით მაკარიძეზე, ვეფხია მალააკელიძეზე, ავთო სევისკვერაძეზე.

ითქვამს, რომ დაზიანებულია სიქთარვა-ჩხარიენრის და ძველის გზის მონაკვეთი, რომლის სარეალიზაციო სამუშაოების პროექტი არსებობს, მიმდინარეობს ზრუნვა თანხის მოძიებაზე. ზიანი მიიღო სიქთარვის ცენტრალურმა გზამ, მისი რეაბილიტაცია აუცილებელი იქნება. ჩხარიენრის გზაზე ასფალტის სამუშაოების დაწყების პირველ დღეს მუნიციპალიტეტის მერი ლაშა გოგიაშვილი მოვიდა თანმხლებ პირებთან ერთად, აქ იყვნენ და სამუშაოს მუდმივად აკვირდებოდნენ სოფლის მაჟორიტარი დეპუტატი კოტე ამაშუკელი, მერის წარმომადგენელი გიზო ხანიაშვილი.

შემოქმედებითი ანსამბლები სრულ მზადყოფნაში არიან...

„საყოველთაოდ აღიარებულია, რომ ქართული კულტურა, ჩვენი იდენტობის ჩვენი მრავალეთნიკური სახელმწიფოს ხალხთა ერთობის საძირკველია, ამავე დროს იგი ქვეყნის უმთავრესი სავიზიტო ბარათია“.

ქართული ფოლკლორი კი ამ კულტურული საგანძურის ფასდაუდებელი ნაწილია... გადაუჭარბებლად შეიძლება ითქვას, რომ თუკი შეიძლება რომელიმე სფეროში მიღწეული წარმატებებით თერჯოლელებმა ვიამაყოთ, ერთ-ერთი გამორჩეული კულტურის სფეროა.

სიმღერისა და ცეკვის ფოლკლორული ანსამბლები „იმერეთი“ (ხელმძღვანელი გულთამაშე კუბლაშვილი), „მასპინძელი“ (ხელმძღვანელი ინეზა ბუცხრიკიძე), „იამე“ (ხელმძღვანელი გულთამაშე კუბლაშვილი), ქორეოგრაფიული ანსამბლი „იმერეთი“ (სამხატვრო ხელმძღვანელი გოჩა ჭანკვეტაძე, ქორეოგრაფები ირინა ბუცხრიკიძე და გიორგი ჭანკვეტაძე) არა მხოლოდ თერჯოლასა და სრულიად საქართველოშია ცნობილი, მათი სახელები კარგა ხანია გასცდა ქვეყნის ფარგლებს და საერთაშორისო აღიარებაც მოიპოვეს.

სიმღერის ფოლკლორული ანსამბლი „იმერეთი“ (ხელმძღვანელი გულთამაშე კუბლაშვილი), რომელიც 1940 წელს მაშინდელი ჩხარის რაიონის კულტურის სახლთან შეიქმნა, მიუხედავად მასში თაობათა და ხელმძღვანელთა ცვლისა, წლებთან ერთად ძლიერდებოდა, იხვეწებოდა და დღესაც საინტერესო რეპერტუარით და მაღალი საშემსრულებლო ხელოვნებით გამოირჩევა. უფრო მეტიც, სულ უფრო პოპულარული ხდება. ძნელია ჩამოთვალო ყველა წარმატება და ანსამბლის მიერ მოპოვებული ყველა ჯილდო.

ბისმიერი ქვეყანა, სადაც კი ყოფილა და ყველგან უპირველესი ჯილდო და აღიარება რომ მიუღია, ნებისმიერ ფესტივალსა თუ კონკურსში... „იმერეთს“ 2012 წელს სერთიფიცირებული ანსამბლის ნოდება მიენიჭა. და კიდევ ერთი სიამაყე თერჯოლის კულტურისა, ვაჟთა ფოლკლორული ანსამბლი „მასპინძელი“. ანსამბლი 2006 წელს შეიქმნა კულტურის სახლის დირექტორის ქალბატონ ლია ბუსკივადის ძალისხმევით. შექმნის დღიდან ანსამბლს ქალბატონი ინეზა ბუცხრიკიძე ხელმძღვანელობს. სულ უმცირესი



დიდი პატივია, რომ „იმერეთი“ შესულია 2017 წელს „ქართული ფოლკლორის საგანძურის“ ეგიდით პირველად გამოცემულ წიგნში „ფოლკლორული ანსამბლები“. ეს წიგნი არის ფოლკლორის ეროვნული ფონდის პირველი პროექტი, რომელიც განხორციელდა საქართველოს პრეზიდენტის მხარდაჭერით და მისივე ფონდის დაფინანსებით. ამავე გამოცემაში შესულია აგრეთვე ქალთა ანსამბლი „იამე“, რომელიც 2012 წელს შეიქმნა და მალევე მოიპოვა პოპულარობა, სატელევიზიო კონკურს „ნიჭიერში“ მონაწილეობით, სადაც ფინალისტი გახდა, ხოლო იმავე პერიოდში თურქეთის ქ. მარმარისში საერთაშორისო ფესტივალის—გრან-პრის მფლობელი, შემდეგაც არა ერთი პრიზისა და დიპლომის მფლობელი.

დროის მონაკვეთში იგი ერთ-ერთ საუკეთესო ანსამბლად ჩამოყალიბდა. ვინ მოთვლის მას შემდეგ რამდენ კონკურსსა და ფესტივალში მიიღო მონაწილეობა რაიონში, ქვეყნის მასშტაბით თუ მის ფარგლებს გარეთ, რამდენი საღამო გააღამაზა. თითოეული გამოსვლა წარმატების ზენიტს აღწევდა. შესაბამისად მრავალი სიგელის, პრიზის თუ დიპლომის მფლობელია. ანსამბლი სისტემატურად განაახლებს რეპერტუარს. მრავალი ფოლკლორული, ქალაქური, თუ ლირიული სიმღერაა მის რეპერტუარში.

მაყურებელმა საოცრება იხილა ანსამბლის ათი წლის საიუბილეო საღამოზე, რომელიც სრული ანშლავით გაიმართა, რომელსაც თერჯოლელებთან ერთად მონვეული სტუმრები ესწრებოდნენ დედაქალაქიდან და სხვადასხვა ქალაქებიდან.

ანსამბლმა არაერთი საფესტივალო თუ საგასტროლო მოგზაურობა და კონცერტები გამართა მსოფლიოს სხვადასხვა ქვეყანაში. მან არაერთხელ დაამტკიცა, რომ ნებისმიერი ქვეყნის მრავალ ანსამბლს აღემატება საშემსრულებლო ხელოვნებაში...

პანდემიამ მრავალ სფეროში შეაღწია განვითარების საწინააღმდეგო თავისი მკვეთრად გამოხატული დაბრკოლებებით. კულტურის სფეროში დისტანციური რეპეტიციები ჩაენაცვლა ტრადიციულ მუშაობას, რომელიც არც ისე მიმზიდველი და კომფორტულია, თუმცა მითითებული რეგულაციების შესრულება თითოეულის მოვალეობაა. მას შემდეგ, რაც რეგულაციები გადაიხედა, მუნიციპალურმა ანსამბლებმა მუშაობა განაახლეს...

კულტურის სახლის დირექტორი, ქალბატონი ლია ბუსკივადე „თერჯოლასთან“ საუბრობს: „კულტურის სახლის კოლექტივი სიხარულით შევხვდით შეზღუდვების მოხსნას, ძალიან ინტენსიურად დავიწყეთ რეპეტიციები, რა თქმა უნდა ძირითადად დისტანციურად, რამდენადაც შესაძლებელი იყო საშემსრულებლო ნორმებიდან გამომდინარე.

ანსამბლების ხელმძღვანელებმა დიდი ძალისხმევა გამოიჩინეს, რათა გაცდენილი დრო აენაზღაურებინათ და ანსამბლები ჩვეულ ფორმაში ჩამდგარიყვნენ. მათ იზრუნეს თავიანთი რეპერტუარის არა მარტო აღდგენის, არამედ ახალი ნომრებით გამდიდრებისათვის.

განსაკუთრებული აღნიშვნის ღირსია ის ყურადღება და დამოკიდებულება, რასაც მუნიციპალიტეტის მერის, ბატონ ლაშა გოგიაშვილისაგან ვგრძნობთ, ასევე მერიის კულტურის, განათლების, სპორტისა და ახალგაზრდულ საქმეთა სამსახურის უფროსის ბატონ გურამ თურქაძისაგან და ა(ა)იპ სახელოვნებო განათლების კულტურისა და ტურიზმის ცენტრის ხელმძღვანელის, სოსო დევიძისაგან.

ბატონ ლაშას, რომელიც თავადაც ხელოვნებასთან წილნაყარი კაცია—კარგად აქვს გაცნობიერებული დარგის მნიშვნელობა, მისი განვითარებისათვის ხელშეწყობის საჭიროება, იმისათვის, რომ იგი კარგად გაცნობოდა თითოეული ანსამბლის საქმიანობას, პრობლემებსა და საჭიროებებს, მათ რეპერტუარსა და მომზადების დონეს, კულტურის სახლში დარგის ხელმძღვანელ მუშაკებთან ერთად ზემოთაღნიშნულ ანსამბლთა შემოქმედებით კოლექტივებს შეხვდა.

შეხვედრებზე იყო გულახდილი საუბარი, იმ საკითხებზე, რომელიც აქტუალურია შემოქმედებითი გუნდის თითოეული წევრისათვის, იყო საუბარი და მსჯელობა აგრეთვე სამომავლო გეგმებსა და პერსპექტივებზე... იყო იმ მუშაობის ერთგვარი შეჯამება-შეფასებაც, რასაც ეს შემოქმედებითი კოლექტივები ეწევიან, გაცა სამომავლო ხელშეწყობისა და თანადგომის დაპირებაც.

მუნიციპალიტეტის მერმა აგრეთვე მადლობა გადაუხადა ანსამბლების ხელმძღვანელებს განუყოფელი მუშაობისათვის, „მიუხედავად პანდემიისა, რომელმაც მნიშვნელოვნად შეუშალა ხელი მუნიციპალური ანსამბლების საქმიანობას, დღეს ისინი სრული დატვირთვითა და ჩვეული პროფესიონალიზმით აგრძე-



ლებენ მუშაობას. მინდა აღვნიშნო, რომ ქორეოგრაფიული ანსამბლი „იმერეთი“ გამოირჩევა მაღალი საშემსრულებლო ოსტატობით და ორიგინალური ქორეოგრაფიული დადგმებით, რაც მნიშვნელოვნად წარმოაჩენს ჩვენი რაიონის კულტურის დონეს“...

„ძალიან მნიშვნელოვანია ქართული ეროვნული ტრადიციული კულტურის ხელშეწყობა და განვითარება, ნიჭიერი შემსრულებლების წარმოჩენა და მონაწილეთა შორის შემოქმედებით სიახლეთა გაზიარება. კულტურის სახლთან არსებულ ფოლკლორულ ანსამბლებს მრავალწლიანი ისტორია აქვთ. გუნდის

წევრები ენერგიული და ბუნებრივი შესრულებით გამოირჩევიან, გასაოცარია მათი პროფესიონალიზმი და ხელოვნებისადმი სიყვარული“.

ასეთი ყურადღება და დამოკიდებულება დარგისადმი, მუნიციპალიტეტის პირველი პირისაგან, აღნიშნა ქალბატონმა ლიამ, არის დიდი სტიმულატორი შემდგომი საქმიანობისათვის.

დღეს, როგორც არასდროს, როცა პანდემიის გამო საზოგადოება შეშინებული და დათრგუნულია, დიდი როლი ეკისრება შემოქმედებითი კოლექტივების საქმიანობის გააქტიურებას, რათა ჩვენი წვლილი შევიტანოთ დაბრკოლებათა გადალახვასა და სულიერ ძალთა მობილიზებაში. გამომდინარე აქედან, მაყურებელთა წინაშე გამოსასვლელად ემზადება თითოეული ანსამბლი, ისინი დიდი შემართებით ხვენენ თავიანთ ხელოვნებას, რათა ჩვეული წარმატება და მოწონება დაიმსახურონ.

ჩვენი ანსამბლები სრულ მზადყოფნაშია, შეზღუდვების მოხსნის შემთხვევაში მაღალი დონის კონცერტი შესთავაზონ მაყურებლებს არა თუ გაერთიანებული ძალებით, არამედ თითოეულმა ცალცალკეც კი.

აღსანიშნავია აგრეთვე თეატრალური დასის საქმიანობა, განაცხადა ქალბატონმა ლიამ, რომელმაც ვასული წლის ოქტომბერში, შეზღუდვების მიუხედავად, აღადგინა და თეატრალურ ფესტივალზე ქუთაისში წარმოადგინა დავით კლდიაშვილის ნაწარმოების მიხედვით დადგმული სპექტაკლი „ბაკულას ღორები“, რომელმაც დიდი მოწონება დაიმსახურა ფესტივალის ჟიურის, თეატრალური საზოგადოებისა და მაყურებლების მიერ. დასი ამჟამად ამზადებს სპექტაკლს პრემიერისათვის, რომლითაც თერჯოლა მიმდინარე წლის ივლისში წარსდგება ფესტივალზე „თეატრალური იმერეთი 2021“.

თეატრი, მუსიკა, სიმღერა, ცეკვა ხომ მშვენიერებას აზიარებს ადამიანებს, ეხმარება ცხოვრების გზაზე დაბრკოლებათა გადალახვასა და სულიერ ძალთა მობილიზებაში, რაც ასე ძალიან სჭირდება დღევანდელობას, რაიონის, ქვეყნის საზოგადოებას.

სპექტაკლის დადგმა-ჩვენება, კულტურული ღონისძიებების მომზადება-ჩატარება სხვადასხვა ფესტივალებსა და კონკურსებში მონაწილეობა, მხოლოდ კეთილი ნება არ არის, ყოველივე ამისათვის

გარკვეული ფინანსური პრობლემებია გადასაჭრელი, მითუმეტეს დღევანდელ პირობებში, როცა პანდემიის გამო მნიშვნელოვნად დაზარალდა ქვეყნის ეკონომიკა და თუ ახალი სპექტაკლი მაინც იდგმება, ანსამბლები ახალ-ახალ რეპერტუარს ჰქმნიან... ეს ყველაფერი ხელისუფლების მხრიდან დიდი თანადგომის შედეგია. მადლობა მუნიციპალიტეტის მერიას და ამ სამსახურებს, რომელთა დახმარებით და ხელშეწყობით ყველაფერი კეთდება დარგის განვითარებისათვის, აღნიშნა ქალბატონმა ლიამ.

ზინა ციციურიძე

იაკობ გოგებაშვილს ძეგლს დაუდგამენ

მედიაში გაჟღერდა თბილისის მერის კახი კალაძისა და საკრებულოს თავმჯდომარის გიორგი ტყემალაძის სულისკვეთება იაკობ გოგებაშვილის ძეგლის დადგმის შესახებ. გამეხარდა და როგორ.

სიმართლე გითხრათ არც კი ვიცოდი თუ „დედაენის“ შემოქმედს ძეგლი არ ჰქონდა, არადა, დედაქალაქში, ძეგლები აქვთ ჰეიდარ ალიევს და როლანდ რეიგანს. აღარაფერს ვამბობთ ორ საჭიან ველოსიპედზე... (სამივე წინა ხელისუფლების ზეობის ხანაში დაიდგა).

თუ როგორმე შეიძლება გაამართლო ეს რეალობა, მხოლოდ იმით, რომ დიდმა იაკობმა თავად დაუდგა ხელთუქმნელი ძეგლი თავის თავს, შექმნა სახელმძღვანელო „დედაენა“!

რა არის დედაენა ქართველებისათვის—ამაზე ბევრი თქმულა, ბევრიც დაწერილა. ჩვენი მოკრძალებული კალმით გვერდი მივუძღვევით პირველი აპრილის ნომერში ქართული ენის დღეს (ისე როგორც ყოველთვის).
სათაურში, აღნიშნულ ფაქტთან დაკავშირებით, კი კიდევ ერთხელ გვინდა შევხსენოთ მკითხველებს თუ რა არის გოგებაშვილის „დედაენა“ ერისათვის, რატომ უნდა ვცემდეთ მას თავყვანს, რატომ უნდა ვიყოთ მადლიერნი მისი ავტორისა.
გთავაზობთ ამონარიდებს ნო-

ხან ფუნჯო ჩემო, ხან-საჭრეთელო, შენ, აკვნის ჰიმნო, ცრემლო სამარის...
იბერის ენავ, ენავ თამარის...
შენ ნიჭო ჩემო, სრბოლავ და ფრენავ,
დედაო ენავ, დედაო ენავ!“
დედაენას კი, რაკი დედა ჰქვია, მახსოვრობა აღარ სჭირდება, თუ კაცი ხარ და არა პირუტყვი—ენა დედაა შენი და მუდამ უნდა გახსოვდეს, უნდა უკვდავყო იგი, როგორც შეგიძლია და რითაც შეგიძლია.
...მაგრამ ენა, რაც უნდა ლამაზი



დაენა“, ცხოველი სული შთაბერა მას, ფეხი აადგმევინა და შარა-შარა, შუკა-შუკა, ღობე-ღობე, ბილიკ-ბილიკ, ოდა-ოდა, სოფელ-სოფელ გაუშვა საქართველოში. დღეს, კაცმა რომ თქვას, ილიამ, აკაკიმ, ვაჟამ, იაკობმა და სხვა მათმა თანამოაზრეებმა ქართული ენა დაკნინებას და მოსპობას გადაარჩინეს. ვინმეს შეიძლება კიდევაც გაუკვირდეს, არადა, ნათქვამი მცირეა—გადაარჩინეს კი არა, მეორე სიცოცხლე აჩუქეს მას.

განუზომელია გოგებაშვილის „დედაენის“ მნიშვნელობა ქართველი ხალხის ცხოვრებაში. ციცერონი ამბობდა: „უმეცრეა ღამეა გონებისა, ღამე კუნაპეტა, უმთვარო და უვარსკვლავო“.

„დედაენა“ ნათელი გახდა ქართველებისათვის ამ ღამეში.

შექსპირი ამბობდა, სამეფო გვირგვინზე ძვირფასია ჩემთვის ნიგნებიო. სამეფო გვირგვინად დაედა ქართველებს „დედაენა“.

ხალხი ამბობს: უნიგნო სახლი და უფანჯრებო ერთია, ორივეში ერთნაირად ბნელაო.

ფანჯარად იქცა „დედაენა“ ყველა ქართველის სახლში და მე არ მიკვირს, როდესაც დღეს ჩემი ქვეყანა, 100 წლის იუბილეს უხდის ნიგნს. ორი ნიგნი ვიცი მე საქართველოში, რომელსაც შეიძლება იუბილე გადაუხადო.

ეს არის „ვეფხისტყაოსანი“ და „დედაენა“, რადგან ეს ის ნიგნები არ გახლავთ, ეს ორი ნიგნი—ერთია.

აუნონელი და ფასდაუდებელი განძი დღეს „დედაენაში“—ამ პატარა ნიგნში, მაგრამ გასაოცარი ეს კი არ არის, გასაოცარი ის გახლავთ, რომ ამ საგანძურს, წინააღმდეგ მსოფლიოში არსებული ყველა კანონისა, მსოფლიოში ყველაზე უმარტივესი, ყველასათვის ხელმისაწვდომი, სულ ორი ხმოვანისაგან შემდგარი და ჩამოსხმული ულამაზესი ოქროს გასაღები ადევს—ია.

ამ გასაღებით ყველას შეუძლია ისარგებლოს, გახსნას ეს დიდებული სკივრი და მიისაკუთროს თვალმარგალიტი, რომელიც შიგ აწყვია. ამით ჩვენს „დედაენას“ არაფერი დააკლდება, რადგან ეს სიკეთე უღვევია შიგ.

აკი აწერია კიდევ თავფურცელზე:

აი-ია...
მობრძანდით, აიღეთ, გახსენით ეს სიბრძნის საღარო და იგი თქვენია...

...ჩემი აზრით ყველა ქართველი მოვალეა მუხლი მოიყაროს „დედაენის“ წინაშე და ხმამაღლა შელაღადოს:

—გმადლობთ „დედაენავ“!

მ. პრაბიძე



დარ ღუმბაძის წერილიდან „ჩვენი საუნჯე“: „როცა რუსთაველის, ილიას, აკაკის, ნიკოლოზ ბარათაშვილის, გალაკტიონის და გოგლას ღვთაებრივ ლექსებს ვკითხულობ, გასაკვირია, მაგრამ მუდამ ლადო ასათიანის ერთი უბრალო ლექსის სტრიქონი მაგონდება:

„კავკასიის მთებში გაგაჩინა ზენამ,

ხმათა ხავერდების და ღმერთების ენავ“.

ხოლო როდესაც საქართველოს ისტორიასა და ქართლის ცხოვრებას ვკითხულობ და ქართულ ტაძართა ნანგრევებზე საჭრეთელთ ამოქარგულ ჩუქურთმებსა და ასოებს ვეჭიდები წასაკითხად, ირაკლი აბაშიძის დიდებული ლექსი მაგონდება:

„ქვესკნელში მძრომო, ცაში მჭვრეტელო,

და მდიდარი იყოს, პატრონი თუ არ ეყოლა, შეიძლება მოკვდეს და გაქრეს.

ეს ჩვენზე კარგად იცოდნენ, შორეულ წარსულს რომ თავი დავანებოთ, მეცხრამეტე საუკუნის დიდმა განმანათლებლებმა—ილიამ, აკაკიმ, ვაჟამ, იაკობმა, ისიც იცოდნენ, რომ ენას ერთი მუჭა განსწავლული ადამიანი ვერ დაიცავდა, ვერ შეინახავდა. ამიტომ მათ იგი ერის, ხალხის საკუთრებად აქციეს, უფრო სწორად, მათ ხალხს ნიგნი აჩუქეს თავიანთ ენაზე დაწერილი, თავიანთი ფიქრით, სიხარულით, თავიანთი ტკივილებითა და ოცნებებით სავსე, ნიგნი, რომელიც შემდგომ ქართველი ხალხის ხმალიც, გუთანიც, ნამგალიცა და ვენახიც გახდა.

...1876 წელს დიდმა იაკობმა შეადგინა და გამოსცა ქართული „დე-

მედიაწიგნიერების პროექტში რეგიონული მედიის წარმომადგენლები ჩაერთვნენ

ამერიკის შეერთებული შტატების საერთაშორისო განვითარების სააგენტოსა (USAID) და ჩეხეთის საგარეო საქმეთა სამინისტროს დაფინანსებით ჩეხური ორგანიზაცია People In Need კიდევ ერთ საინტერესო, მნიშვნელოვან და მრავალფეროვან პროექტს ახორციელებს. „დემოკრატიის გაძლიერება მედიაწიგნიერების ამაღლებით“—ასე ჰქვია პროექტს, რომლის მიზანია რეგიონებში ახალგაზრდული დაინტერესებული მხარეების შესაძლებლობების და ქართველ ახალგაზრდებში მედიაწიგნიერების უნარების, კრიტიკული აზროვნების გაზრდა, რათა მათ შეძლონ აქტიურად შეუწყონ ხელი საკუთარ თემში დემოკრატიულ პროცესებს.

ერთწლიანი პროექტი იმერეთის და სამეგრელოს რეგიონებში მიმდინარეობს და ბენეფიციარები ახალგაზრდებთან მომუშავე ორგანიზაციები, მუნიციპალური



ახალგაზრდული ცენტრები, რეგიონის მედიასაშუალებები, პედაგოგები, ადგილობრივი ახალგაზრდები არიან. თერჯოლაში პროექტის პარტნიორი მოსწავლე-ახალგაზრდობის მუნიციპალური ცენტრი გახლავთ. პროექტით გათვალისწინებული ძირითადი აქტივობებიდან ერთ-ერთი გულისხმობდა სამიზნე რეგიონებში ადგილობრივი მედიასაშუალებების წარმომადგენლების ინფორმირებულობის ამაღლებას მედიაწიგნიერების მიმართულებით. კონკურსის ფარგლებში შეირჩა 12 მედიის (იმერეთი, სამეგრელო, ქვემო ქართლი, სამცხე-ჯავახეთი) წარმომადგენელი, რომლებმაც სამდღიანი ტრენინგები გაიარეს. სწავლების პროცესი მოიცავდა როგორც თეორიულ, ასევე პრაქტიკულ ნაწილს. კვალიფიციურმა ტრენერებმა მედია წიგნიერებისა და დეზინფორმაციასთან ბრძოლის საკითხები სიღრმისეულად გაშალეს. საინტერესო იყო მოხსენებები საქართველოს ევროატლანტიკური ინტეგრაციის; საქართველოში ანტიდასავლური პროპაგანდის და უმცირესობების ინტეგრაციის პროცესთან დაკავშირებულ საკითხებზე; პოლიტოლოგმა პაატა ზაქარაიშვილმა დისკუსია გამართა თემაზე: მითები და საქართველო-ავსტრალიის ურთიერთობა.

თბილისში გამართულ შეხვედრაზე პროექტის მნიშვნელობასა და მიზნებზე, მოსალოდნელ შედეგებზე, ცვლილებებზე, გეგმებზე ისაუბრეს: დიონ ბატერსბმა-საქართველოს მისიის ხელმძღვანელი, ფიფლ ინ ნეედ; იან ჩერნიკმა-ჩეხეთის განვითარების პროგრამების ხელმძღვანელი, ჩეხეთის საელჩო საქართველოში; გიორგი ჯანგიაძემ-კონსორციუმის ხელმძღვანელი, ფიფლ ინ ნეედ.

ტრენინგის დასასრულს, პროექტის მენეჯერმა ანა ქოჩუამ პროექტის ფარგლებში გათვალისწინებული ძირითადი აქტივობები განმარტა: „აღნიშნული პროექტისთვის შექმნილი დოკუმენტური ფილმების ჩვენება მაისის ბოლოს სრულდება. ფილმების განხილვის პროცესს სპეციალური მეთოდოლოგიური სახელმძღვანელოს მეშვეობით ფასილიტატორები თავიანთ სამიზნე ჯგუფებთან წარმართავენ. ამის შემდეგ ადგილობრივი მედიის წარმომადგენლებმა მენტორობა უნდა გაუწიონ ამ ახალგაზრდებს, რათა მათ ერთად დაეგვიანონ და განახორციელონ ინოვაციური მცირე მედიაპროექტები, რომლებიც, თავის მხრივ, ხელს შეუწყობს ადგილობრივ დონეზე, საზოგადოებაში, მედიაწიგნიერების შესახებ ცნობიერების ამაღლებას. საბოლოოდ პროექტმა ადგილობრივ რეგიონში, თემში სასარგებლო ცვლილებები უნდა გამოიწვიოს“.

ნათია გაგყრაიძე

კოვიდსაინააღმდეგო რეგულაციები შემსუბუქდა...

უნწყებათაშორისი საბჭოს გადწყვეტილებით, 1-ლი ივნისიდან, სახმელეთო საზღვრები გაიხსნება და საზღვრის კვეთა შესაძლებელი იქნება სრული ვაქცინაციის დამადასტურებელი დოკუმენტით და PCR-ტესტის უარყოფითი პასუხით, ან მხოლოდ ბოლო 72 საათში



ჩატარებული PCR-ტესტის უარყოფითი პასუხით და ამ შემთხვევაში, ისინი ვალდებული იქნებიან, მესამე დღეს განმეორებით ჩაიტარონ PCR-ტესტირება, — აღნიშნული გადწყვეტილებები უწყებათაშორისმა საკოორდინაციო საბჭომ მაისის თვის ბოლო სხდომაზე მიიღო, რომელიც პრემიერ-მინისტრ ირაკლი ლარიაშვილის ხელმძღვანელობით, მთავრობის ადმინისტრაციაში გაიმართა.

გარდა ამისა, იმ ქვეყნების ჩამონათვალს, რომელთა მოქალაქეებს და რეზიდენტებს საქართველოს საზღვრის კვეთა ბოლო 72 საათში ჩატარებული PCR-ტესტის უარყოფითი პასუხით შეუძლიათ, ემატება კანადა, იაპონია, ქუვეითი, ჩინეთი, სამხრეთ კორეა, მოლდოვა, ომანი.

საქართველოში შემოსულ ვიზიტორებს მოეთხოვებათ ჯანმრთელობის დაზღვევა, შეძენილი თავიანთ ქვეყანაში, ან - საქართველოში.

უნწყებათაშორისი საკოორდინაციო საბჭოს გადწყვეტილებით, იმ შემთხვევაში, თუ ეპიდემიოლოგიური ვითარების სტაბილიზაციის ტენდენცია შენარჩუნდება, 1-ლი ივნისიდან, კვების ობიექტებისთვის შაბათ-კვირას მოქმედი შეზღუდვა სრულად მოიხსნება, რაც ნიშნავს იმას, რომ მათ საშუალება ექნებათ, სტუმრები შაბათ-კვირას დახურულ სივრცეშიც მიიღონ.

სხდომაზე ხაზგასმით აღინიშნა, რომ ძალაში რჩება შეზღუდვა ისეთი სოციალური ღონისძიებების გამართვასთან დაკავშირებით, როგორცაა ქორწილი, ქელეხი, ბანკეტი თუ სხვადასხვა სახის ოუბილე.

უნწყებათაშორისი საკოორდინაციო საბჭო, შეზღუდვების შემსუბუქებასთან მიმართებაში ინარჩუნებს თანმიმდევრულ და ფრთხილ მიდგომას, რათა ერთის მხრივ ხელი შეუწყოს ეკონომიკის აღდგენას და მეორეს მხრივ, თავიდან იქნას აცილებული ეპიდემიოლოგიური მდგომარეობის მკვეთრი გაუარესება;

უნწყებათაშორისი საკოორდინაციო საბჭო კიდევ ერთხელ მიმართავს მოქალაქეებს, დაიცვან მოქმედი რეგულაციები, ატარონ პირბადე და დაიცვან სოციალური დისტანცია, რაც, ვაქცინაციასთან ერთად, ვირუსის გავრცელების პრევენციისთვის კვლავ უმნიშვნელოვანეს ღონისძიებებად რჩება.

სასარგებლო თაოსნობა...

თერჯოლის მუნიციპალიტეტის მერიაში, ქუთაისის მუნიციპალიტეტის საკრებულოს წევრის, მაჟორიტარი დეპუტატის, მერაბ კვიციანიის ინიციატივით, თერჯოლის მუნიციპალიტეტში რეგისტრირებულ 16-დან 25 წლამდე ასაკის ახალგაზრდებს ჩაუტარდათ საინფორმაციო ხასიათის ტრენინგი თემაზე „მენეჯმენტი“.

ახალგაზრდების თქმით აღნიშნული ტრენინგი ძალიან საინტე-



რესო და პროდუქტიული იყო, რადგან მიიღეს ის მნიშვნელოვანი და საჭირო ინფორმაცია, რომელიც ხელს უწყობს მენეჯერული უნარების განვითარებასა და ჩამოყალიბებას.

შეხვედრაზე იმსჯელეს მენეჯმენტის ცნებაზე, როგორი უნდა იყოს კარგი მენეჯერი, სხვა ადამიანის შრომის, ინტელექტის, ქცევის მოტივების გამოყენების საფუძველზე.

ტრენინგ-კურსები იმერეთის ყველა მუნიციპალიტეტში გაიმართება. თითოეული ტრენინგის მიმდინარეობის დროს შერჩეული იქნება ყველაზე მაღალი შეფასების მქონე ერთი ახალგაზრდა (საბოლოოდ იმერეთის რეგიონიდან 12 ახალგაზრდა), რომლებიც მეორე ეტაპზე მსოფლიოში განვითარებული მდგომარეობის შესაბამისად, სწავლება-ტრენინგს გაივლიან თურქეთის რესპუბლიკაში ან საქართველოში.

აღნიშნული აქტივობა, მერაბ კვიციანიის საკუთარი დაფინანსებითა და პატრონაჟით ხორციელდება, რისთვისაც დიდი მადლობა მას.

დამოუკიდებლობის დღეს მიეძღვნა...

ვაჟა კუბლაშვილის სახელობის სამუსიკო სკოლაში 26 მაისის დღისადმი მიძღვნილი შემაჯამებელი ღონისძიება გაიმართა. მუსიკალური სკოლის კურსდამთავრებულებმა და მოსწავლეებმა საზოგადოებას კიდევ ერთხელ გააცნეს ქართველ კომპოზიტორთა სხვადასხვა მუსიკალური კომპოზიციები.

კლასიკური მუსიკის კონცერტს მუნიციპალიტეტის მერი, ლაშა გოგიაშვილი დაესწრო. ღონისძიების ორგანიზატორებსა და მონაწილეებს მადლობა გადაუხადა, ასევე მომავალი თაობის აღზრდისა და განვითარების საქმეში წარმატებები უსურვა.

ღონისძიებას თერჯოლის მუნიციპალიტეტის საკრებულოს განათლების, კულტურის, სპორტისა და ახალგაზრდულ საქმეთა კომისიის თავმჯდომარე, სოფიო ბუსკივაძე, ა(ა)იპ თერჯოლის სახელოვნებო, განათლების, კულტურისა და ტუ-



რიზმის განვითარების მუნიციპალური ცენტრის ხელმძღვანელი, სოსო დევიძე და სხვა მოწვეული სტუმრები ესწრებოდნენ. ღონისძიებამ მსმენელთა დიდი მოწონება დაიმსახურა.



ახალთერჯოლელმა ახალგაზრდებმა საქართველოს თავდაცვის ძალების წარმომადგენლებთან ერთად 26 მაისი, საქართველოს დამოუკიდებლობის დღე, ეროვნული დროშებით უნაგირას მთის წმ. გიორგის სალოცავზე (მე4 -საუკუნის ძეგლი, აღდგენილია 2018- 2019 წლებში, მოძღვარი მამა პავლე ბურჯანაძე. ზღვის დონიდან 870 მეტრი) ასვლით აღნიშნეს.

თერჯოლის მუნიციპალიტეტის №2 საჯარო სკოლამ დამოუკიდებლობის დღეს ღონისძიებებით უხვად დატვირთული კვირეული მიუძღვნა.

ვათაჯობთ ინფორმაციას ამ კვირეულის პირველ და მეორე დღეს ჩატარებულ ღონისძიებათა თაობაზე.

მოგესალმებით და გილოცავთ საქართველოს დამოუკიდებლობის დღეს!

მეორე საჯარო სკოლა წელს განსაკუთრებულად აღნიშნავდა დამოუკიდებლობის დღეს კვირეულის ფარგლებში.

დღე პირველი, რომელიც საქართველოს ჰიმნით დაიწყო, გაგრძელდა ეროვნული და თავისუფლების იდეით გამდიდრებული გაკვეთილებით.

აგრეთვე მოეწყო ჩვენი სკოლის ყოფილი მოსწავლის, ეროვნული მოძრაობის ერთ-ერთი ლიდერის, ვანო ხუხუნიანიშვილის, ცხოვრებისა და მოღვაწეობის ამსახველი ფილმის ჩვენება.

ცნობიერების ამაღლების მიზნით მოეწყო ლექსების, ესეების კონკურსები.

ჩატარდა გამოკითხვა, სადაც აქცენტი 26 მაისის მნიშვნელობასა და დანიშნულებაზე იყო გაკეთებული.

დამოუკიდებლობის დღისადმი მიძღვნილი კვირეული (მეორე დღე).

დილა ისევ საქართველოს ჰიმნით დაიწყო.

სკოლაში გაიმართა ინტელექტუალური შეჯიბრება: „როგორ ვიცნობთ საქართველოს უახლეს ისტორიას?!“

მასში მონაწილეობდნენ მერვე, მეცხრე, მეათე და მეთერთმეტე კლასების გუნდები.

ინტელექტუალური შეჯიბრება დაძაბულად მიმდინარეობდა, გამარჯვებული გახდა თერჯოლის მეორე საჯარო სკოლის მეათე კლასის გუნდი, რომელიც დასახელდა საქართველოს უახლესი ისტორიის საუკეთესო მცოდნედ და ნევრებს გადაეცათ დიპლომები.

აგრეთვე გამოვლინდა ლექსის კონკურსის გამარჯვებული, მეხუთე კლასის მოსწავლე, მარიამ კუბლაშვილი, რომელმაც ნაიკითხა ამ დღისადმი დაწერილი საკუთარი ლექსი.

დამსწრე საზოგადოების აზრით ვათვალისწინებით გადამწყდა, რომ ინტელექტუალური შეჯიბრება ჩატარდეს ყოველწლიურად და პრიზიც იყოს გარდამავალი.

სკოლის მოაზროვნეთა გუნდს (ხელმძღვანელი მარეხი მემანიშვილი) კი ეწოდოს ვანო ხუხუნიანიშვილის სახელი.

მიზანი—თვითმმართველობაში მოქალაქეთა ჩართულობის ხარისხის ამაღლება...

თერჯოლის მუნიციპალიტეტის მერიაში ა(ა)იპ ადგილობრივი დემოკრატიის სააგენტო საქართველოს (LDA Georgia) წარმომადგენლებმა საინფორმაციო ხასიათის შეხვედრა გამართეს.

შეხვედრას თერჯოლის მუნიციპალიტეტის მერი, ლაშა გოგიაშვილი, მერიის თანამშრომლებთან და საკრებულოს წევრებთან ერთად დაესწრო.

„ადგილობრივი დემოკრატიის სააგენტო საქართველო“ თერჯოლის მუნიციპალიტეტში ახორციელებს პროექტს, „მოქალაქეთა ჩართულობის ზრდა ადგილობრივ თვითმმართველობაში“. პროექტის მიზანია გააძლიერებოს მთლების პროცესში მოქალაქეთა ჩართულობის ხარისხის ზრდა და ადგილობრივი ხელისუფლების ანგარიშვალდებულების უზრუნველყოფა.

პროექტის ფარგლებში, თერჯოლის მუნიციპალიტეტში ჩატარდა კვლევა COVID—19-ის შემდგო-

მი საჭიროებების შესახებ, რისთვისაც გამოყენებულ იქნა ფოკუს-ჯგუფების ინტერვიუების მეთოდოლოგია.

შეხვედრაზე, ადგილობრივი დემოკრატიის სააგენტოს აღმასრულებელმა დირექტორმა, ნინო ხუხუამ მუნიციპალიტეტის მოსახლეობის საჭიროებების კვლევის შედეგები, გამოკვეთილი პრობლემები და შემუშავებული რეკომენდაციები წარმოადგინა.

შეხვედრის მონაწილეებმა არსებული მნიშვნელოვანი გამოწვევების შესახებ საკუთარი მოსაზრებები გამოთქვეს იმ საკითხებზე, რომლებიც ადგილობრივი თვითმმართველობის უფლებამოსილებების სფეროს განეკუთვნება.

პროექტის განხორციელება შესაძლებელი გახდა „გაეროს“ განვითარების პროგრამის (UNDP), დანიის საგარეო საქმეთა სამინისტროსა და საქართველოს მთავრობის“ მხარდაჭერით.

თავმოსაწონი, მოსანახულებელი და საამოდ საამბობი...

ანუ, მოკლედ იმაზე, თუ მუნიციპალიტეტის ცენტრსა და მის შემადგენლობაში არსებულ სოფლებს რა ნიშნული ახატიათ შუბლზე...

ქ. თერჯოლა—„სატურიად“ მოიხსენიებდნენ ჩვენი ძველები. ახსნა ადვილია—თურმე გაუვალ ტყეში, სადაც ახლა ჩვენი ქალაქია გაშენებული ტურები მრავლობდნენ!

დღეს თერჯოლა ერთი პატარა, მაგრამ ლამაზი ადმინისტრაციული ცენტრი გახლავთ თავის ინფრასტრუქტურით და ყველა იმ ნიშან-თვისებით, რომელიც ავრე რიგ შენის და ესაჭიროება თანამედროვე ცივილიზებულ რეალობას.

სულ ბოლოხანს განსაკუთრებით იცვალა სახე მისმა ცენტრალურმა ნაწილმა, დავით კლდიაშვილის სახელობის მემორიალიდან (რომელიც ქალაქის სავიზიტო ბარათის ფუნქციასაც ასრულებს) ვიდრე თერჯოლის პირველ მაღლივ საცხოვრებელ კორპუსამდე, ადგილობრივებმა თერჯოლის „ცათამბჯენად“ რომ მონათლეს!

ახლა კი ანბანის დაცვით

ალისუბანი—ზედა და ქვედა ალისუბანი—მზით და სიკეთით სახვე. იუ-მორის მშობელ-დედობა მიენერება მასვე. აქაურები „ჩიკვიდის სკოლას“ ძახილის ნიშნის თანხლებით წარმოთქვამენ, არც გაემტყუნებათ.

ახალთერჯოლა—აქ მცხოვრებთ თავი ქუდში აქვთ. მათი სოფელი მუდამ „ახალი“ იქნება. ძველი სახელწოდება „წუხარელა“ ალბათ მწუხარე ცხოვრებიდან თუ წარმოდგება. ახლა რა მოსატანია და ახალთერჯოლები ხანდახან პატარ-პატარ, სინამდვილესთან მოშორებულ „სამხედრო საიდუმლოებებითაც“ ირთობენ ხოლმე თავს...

ბარდუბანი—ამ კარად უნებლიე შეცდომასთან გვაქვს საქმე. სინამდვილეში ეს სოფელი ვარდუბანია და არა ბარდ-უბანი! ნახეთ აქაურთა ლამაზი ყვავილებით მორთული ეზოები და დარწმუნდებით.

გოგნი—ყველაზე მაღალი „მომმეთა“ შორის. მისი სახელი შვიდჯერ მეორდება ერთ-ერთ ქართულ ხალხურ სატრფიალო სიმღერაში. აქაურ მჭედელთა ნახელავს მთელ საიმერეთოსა და რაჭაში ჰქონდა სახელი გავარდნილი.

ცალკე თემაა „კარუგდების“ დიდი სამლოცველო, სადაც ყოველი წლის გიორგობის დღესასწაულზე ლამის სრულიად საქართველოს მომლოცველები იყრიან თავს...

გოდოგანი—გოდოგნელ-ნაგარეველებისაა „თამარის ხიდი“, „საკაჟი-აც“ მათია. კაჟივით ჯანმრთელობაც, ბატონო!

ენერი—ამ სახელით არის სახელდებული საქართველოში თერთმეტი სეხნიით ფუძქდღერი სოფელი, სადაც გამრჯე, მშრომელი ადამიანები სახლობენ.

თუზი—კაკაბოური-ბილა-ჯვილათ-ვარდიგორა-თავასის კავშირია ძმური.

კვახჭირი—ამ ორი სხვადასხვა „ზნის“ სიტყვის საუკუნო „თანაცხოვრება“ რამ განაპირობა, ამაზე მემატიანე დუმს. სურვილი კია, პირველი სიტყვა უმრავლოთ, ხოლო მეორისაგან ღმერთმა დაიფაროთ...

ნახშირღელე—ნახშირსა და მის ლელესთან დაკავშირებით სამეცნიერო წყაროები საიდუმლოს გვიმალავენ, მაგრამ ნავენახევის მღვიმეში, რომ ახალი სიცოცხლე დაიწყო—ყველას გვახარებს. იმის მოლოდინიც გვაქვს, რომ იქით, სიღრმეში შეიძლება კიდევ იყოს „რაღაცა“... მერე ვნახოთ „სათაფლია“ და „პრომეთე“ გვერდზე მიინევენ თუ არა!

რუფოთი—რუფოთელებს უყვართ ნატრაბახება, რომ დიდ ბელადს ტელეფის ბატკანს უგზავნიდნენ ხოლმე.

საზანო—მთელს დუნიანზეა ცნობილი საზანოს ბაზარი—უზარმაზარი—ნამდვილად ასეა, ბაზარი არ არის!

ქვედა და ზედა სიმონეთი—ორი ტყუპის ცალი, აქაურები სამართლიანად ამყობენ დავით, სერგო, გურამ, ვენო, რეზო კლდიაშვილების დინასტიით... რა თქმა უნდა, ბალნეოლოგიური კურორტითაც ინონებენ თავს, მათ და არა მარტო მათ დიდი ხანია დაავიწყდათ სახსრების ტკივილი, რადიკულიტი, ნელკავი და ა.შ.

სიქთარვა—ეს ლამაზი სოფელი ოდითგან ინონებდა თავს წყლის ნიქვილებით;

აქაურებს საუბნო საავადმყოფოც ჰქონდათ საკუთარი, მაგრამ გააუქმეს. ჩვენი ჯანმრთელობის პატრონს რაში გვჭირდება თუ არა, კიო!

ღვანკითი—ესახელებათ ცნობილი დედალეთისის სამლოცველო. ბაგრატიონთა სამოსახლოც, მომღერალი კუბლაშვილების მთელი დინასტია, რა თქმა უნდა.

ჩხარი—„ოქონას“ მთას შეფენილი რომანტიკული და ეგზოტიკური ძველი დასახლება. ისტორიული დიდი აბრეშუმის საქარავნო გზის ერთი მნიშვნელოვანი განშტოების ქვაკუთხედი, განთქმული ხელოსნობითა და ვაჭრობით. რაიონის ყოფილი ადმინისტრაციული ცენტრი.

ჩხარი სულ სხვაა!

ძვერი: სოფელი ცნობილი ლეგენდებითა და ბუნებრივი ძეგლებით. აქაურებს დღესაც არ ასვენებთ იმაზე ფიქრი, რომ ტარიელის ადგილ-სამყოფელი სწორედ ძვერის გამოქვაბულია, რომ დიდი შოთა რუსთაველი ძვერელი იყო. აბა, „შოთაობას“ ისე, ჰარიჰარალოზე ხომ არ ზეიმობდნენ რაიკომობის დროს?!


ახლა ძვერის ძვერულჰესი?!

ძვერელებს წლების განმავლობაში ისიც უღრღნიდათ გულს, რომ ელექტროსადგური, რომელიც მათ წყალზე „იდგა“ და ახლაც დგას, სხვა ქალაქის სახელი ჰქონდა მინიჭებული.

ასეთია ჩვენი საიმერეთოს გულის თითო-ოროლა მახასიათებელი ანუ, როგორც თავიდანვე ვთქვით „შუბლზე მიკერებული“ ნიშნული. მკითხველმა იქნებ იკითხოს—რატომ, „საიმერეთოს გული“?

გპასუხობთ: იმერეთში თერჯოლის მუნიციპალიტეტი ერთადერთია, რომელსაც ყოველი მხრიდან მხოლოდ იმერული მუნიციპალიტეტები ესაზღვრებიან!

მოამზადა ნუმზარ გამყრელიძემ



შპს „თერჯოლა“		კორესპონდენტები:		აიწყო და დაკაბადონდა რედაქციის კომპიუტერულ ცენტრში		ჩვენი რეკვიზიტები:	
გამომცემელი	მთავარი რედაქტორი	ნ. გამყრელიძე—555 78 08 55	ი. მარუაშვილი—0(491) 22 15 16	მისამართი:		„ლიბერთი ბანკი“	
ვალერიან ბოგიაშვილი	დავით კლდიაშვილი	ჟ. ცხადაძე—558 90 82 55	მ. ცქიფურიშვილი—555 28 11 41	ქ. თერჯოლა, კოსტავას ქუჩა №2		LBRTGE22,	
599 92 49 75	599 91 24 14			დაიბეჭდა ქუთაისის		ანგარიში	
სარედაქციო კოლეგია				შპს „სომელი ენ“-ის სტამბაში		GE32LB0113133960124000	
რეგისტრაციის №53/5/ზ-22	გამოდის თვეში ორჯერ	ელ-ფოსტა: gazetiterjola@mail.ru		ქუთაისი, ჭავჭავაძის გამზ. №33		ს/კ 231948872	